

Na osnovu člana 10. Zakona o privremenom korištenju javnih površina na području Kantona Sarajevo („Službene novine Kantona Sarajevo“, br.20/04), člana 8. Odluke o privremenom korištenju javnih površina –prečišćen tekst („Službene novine Kantona Sarajevo“ br.20/10, 26/10, 10/11 i 30/11), člana 13. Zakona o principima lokalne samouprave Federacije BiH (Službene novine Federacije BiH“, broj 49/06) i člana 25. Statuta Općine Stari Grad Sarajevo – Prečišćen tekst („Službene novine Kantona Sarajevo“, br.31/08), Načelnik Općine Stari Grad Sarajevo raspisuje

JAVNI OGLAS

za dodjelu lokacija za privremeno korištenje javnih površina za postavljanje slobodnostojećih otvorenih bašti na području Općine Stari Grad Sarajevo za 2012. godinu.

Red. br.	LOKACIJE	Površina	Zona
1.	VELIKA AVLIJA bb	64,25 m2	Centralna zona
2.	ČURČILUK MALI – ZELENH BERETKI	52,26 m2	I zona

Naknada za postavljanje slobodnostojećih otvorenih bašti iznosi:

- Za I zonu 30 KM. po m2 mjesečno.
- Za Centralnu zonu 40 KM. po m2 mjesečno.

1. Dodjela lokacija za postavljanje slobodnostojećih bašti vrši se na period do jedne godine s mogućnošću produženja, u kalendarskom periodu od 15. aprila do 15. oktobra.
2. Pravo učešća na javnom oglasu imaju sva pravna i fizička lica, ukoliko nisu dužnici za korištenje javnih površina prema Općini Stari Grad Sarajevo u prethodnoj godini.
3. Prednosti prilikom dodjele imaju prema slijedećem rasporedu:
 - Privredna društva formirana odlukama boračkih organizacija, njihovih asocijacija i članova s područja Općine Stari Grad Sarajevo,
 - Privredni subjekti u kojima radi preko 30% uposlenih demobilisanih boraca, ili članova šehidskih porodica ili invalida,
 - Demobilisani borci, članovi uže porodice šehida i poginulih boraca, ratni vojni invalidi.
4. Kod utvrđivanja prednosti iz prethodnog člana vrednovanje će se vršiti na osnovu slijedećih mjerila:
za lica iz tačke 3 alineja 1 i 2 ukoliko imaju veći broj zaposlenih,
za lica iz tačke 3 alineja 3:
 - članovi uže porodice šehida i poginulih boraca: 100 bodova;
 - invalidnost sa tjelesnim oštećenjem, za svaki procenat tjelesnog oštećenja 1 bod;
 - vojna priznanja:
 1. Zlatni ljiljan i Zlatna policijska značka: 50 bodova;
 2. Općinska priznanja za doprinos odbrani i ostala vojna priznanja utvrđena

Zakonom: 30 bodova.

- Angažovanost u oružanim snagama Bosne i Hercegovine za vrijeme rata, za svaki mjesec 2,5 bodova. Ako kod korisnika radi više lica koji ostvaruju bodove iz ovog člana bodovi se sabiraju.
5. Niko ne može biti korisnik više od jedne lokacije za postavljanje slobodnostojećih ljetnih bašti.
 6. Prijave na oglas razmatra Komisija koju rješenjem imenuje Općinsko Vijeće Stari Grad Sarajevo.
 7. Naknada za korištenje dijela javne površine za postavljanje slobodnostojećih otvorenih bašti plaća se unaprijed za cijeli odobreni period prilikom preuzimanja rješenja ili mjesečno.
Sa korisnicima koji plaćaju zakupninu mjesečno, zakupni odnos se reguliše ugovorom o zakupu javne površine, a što je u nadležnosti Službe za komunalne poslove i investicije.
 8. Prijave sa dokazima o ispunjavanju uslova (dokumentacija se prilaže u originalu ili ovjerenoj fotokopiji) podnose se poštom preporučeno ili lično u zatvorenoj koverti u roku od 8 dana od dana objavljivanja oglasa, na adresu:

**Općina Stari Grad Sarajevo, Komisija za slobodnostojeće ljetne bašte
Zelenih beretki broj 4, 71 000 Sarajevo, s naznakom „Oglas za ljetne bašte“
Kontakt osoba: Sead Kajmaković, tel: 282-393**
 9. Nepotpune i neblagovremene prijave neće se razmatrati.
 10. Rezultati oglasa biće objavljeni na oglasnoj ploči Općine Stari Grad Sarajevo u roku od 3 dana po završetku rada Komisije.
 11. Oglas će se objaviti na oglasnoj ploči Općine Stari Grad Sarajevo i web stranici: www.starigrad.ba

NAPOMENA:

Prema Zakonu o ugostiteljskoj djelatnosti („Sl. novine Federacije BiH“, broj 32/09) jedan od uslova za dobijanje odobrenja za obavljanje ugostiteljske djelatnosti, kada su u pitanju fizička lica je da se ista ne nalaze u radnom odnosu.